

不空罽索神呪心經

唐三藏法師玄奘譯



南無本師釋迦牟尼佛


說明

本繁體校正版《不空羅索神呪心經》電子書，根據《乾隆大藏經》大乘五大部外重譯經，第 0312 部，唐三藏法師玄奘譯《不空羅索神呪心經》原藏影印本校正，句讀僅供參考。

本電子書是免費結緣品，特此說明。

仁慧草堂

二〇一八年十二月



掃碼關注仁慧草堂微信公眾號

●起誦儀

香讚

(一編)

爐香乍爇. 法界蒙薰. 諸佛海會悉遙聞. 隨處結
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

淨口業真言

(三編)

唵. 修唎. 修唎. 摩訶修唎. 修修唎. 薩婆訶

淨三業真言

(三編)

唵. 娑嚩. 娑嚩秫馱. 娑嚩達摩娑嚩. 娑嚩秫度憾.

安土地真言

(三編)

南無三滿多. 母馱喃. 唵. 度嚕度嚕. 地尾. 娑婆訶

普供養真言

(三編)

唵. 誵誵曩. 三婆嚩. 禡日囉斛

南無本師釋迦牟尼佛 (合掌三稱)

開經偈

(一編)

無上甚深微妙法 百千萬劫難遭遇
我今見聞得受持 願解如來真實義

不空羅索神呪心經

唐三藏法師玄奘譯¹

如是我聞：

一時，薄伽梵在布怛洛迦山觀自在宮殿。其中多有寶娑羅樹、耽摩羅樹、瞻博迦樹、阿輸迦樹、極解脫樹；復有無量諸雜寶樹，周匝莊嚴，香華軟草，處處皆有；復有無量寶泉池沼，八功德水彌滿其中，眾華映飾，甚可愛樂；復有無邊異類禽獸，形容殊妙，皆具慈心，出種種聲，恒如作樂。與大苾芻眾八千人俱，九十九俱胝那庾多百千菩薩摩訶薩，無量百千淨居天眾、自在天眾、大自在天眾、大梵天王及餘天眾無量百千，前後圍遶，聽佛說法。

爾時，會中有一菩薩摩訶薩，名觀自在，從坐而起，整理衣服，偏袒一肩，右膝著地，合掌向佛，面目熙怡，開顏含笑，而白佛言：「我有神呪心，名不空羅索。我於往昔第九十一劫，時有世界，名殊勝觀，其中有佛，名世主王如來、應、正等覺、明行圓滿、善逝、世間解、無上丈

¹ 大正藏：唐三藏法師玄奘奉 詔譯

夫、調御士、天人師、佛、薄伽梵，彼佛世尊憐愍我故，為我說此大神呪心。時我受持威神力故，常為無量淨居天眾、自在天眾、大自在天眾、大梵天王及餘天眾無量百千，恭敬供養，尊重讚歎，我皆化彼²，令趣無上正等菩提。我依如是功德力故，便獲十億不空妙智上首莊嚴大三摩地，由斯定力，現見十方無量無數諸佛世界一切如來及諸眾會，皆往供養，聽聞正法，展轉教化無量有情，皆令發心趣無上覺，故此呪力不可思議，能救眾生無量苦難，諸有智者皆應受持。世尊！若他方所有此呪心，當知是處有自在天、大自在天、梵天王等而為上首，與十二億諸天神眾，常共守護，恭敬供養，如佛制多，不令暴惡諸鬼神等遊止其中。世尊！隨何國邑，流行如是不空羅索神呪心經，當知此中諸有情類，已於無量俱胝那庾多百千諸佛所，種諸善根，乘大願力而來至此。

「世尊！若有眾生，造諸重罪，習行惡法，毀辱賢聖，誹謗正法，當墮無間大地獄中，經無數劫，受諸劇苦，諸佛、菩薩、獨覺、聲聞雖具神通，而不能救，彼若聞此神呪心經，能生悔愧，終不更造，若彼復能經一日夜，受持齋戒，誦此

² 大正藏：彼；永樂北藏及龍藏：被；校勘：彼

呪心，所作罪業，現世輕受，不復當墮無間地獄。云何證知彼現輕受，不墮地獄？謂若忽遭寒熱等病，或經一日，或經二日，或復乃至經於七日，或患眼痛、耳痛、鼻痛、齒疼³、牙痛、脣痛、舌痛，或斷腭痛，或心胸痛，或腹臍痛，或腰脊痛，或脇腋痛，或陰臏痛，或髀膝痛，或支節痛，或手足痛，或頭面痛，或咽項痛，或肩膊痛。或遭風病、氣病、痔病、痢病、痲病，或遭癩⁴癬、白癩、重癩及諸疥癬，或得皰瘡、甘瘡、華瘡、漏瘡、毒瘡，或遇擁腫、遊腫、疔腫⁵、癰腫、毒腫，或患顛⁶癇，或患甘濕，或被鬼魅，或被厭⁷禱，或被呪詛⁸，或被毒藥，或被囚繫，或被枷鎖，或被打罵，或被誹謗，或被謀害，或被恐怖，或復遭餘種種增減不饒益事，以要言之，所有逼切、身心苦惱及見惡夢，由此證知彼現輕受，不復當墮無間地獄，所造罪業悉得消除。如是眾生，由斯呪力尚現輕受，重罪消除；況餘有情，身心清淨，聞持此呪，而不獲福？先世罪業亦得消除，現在、未來常受快樂。

³ 大正藏：痛

⁴ 大正藏：癩

⁵ 大正藏：腫腫：永樂北藏及龍藏：腫

⁶ 大正藏：癩

⁷ 大正藏：魘

⁸ 大正藏：咀

「世尊！若有四眾或四姓等，設以諂曲誑詐心故，聽聞如是神呪心經，受持讀誦，書寫供養，為他讚說，教令聽受，乃至自往畜生耳邊，慇懃念誦，令彼得聞，復審思惟此呪章句，不毀謗故，不取相故，無分別故，無等起故，不遲行故，無為作故，離染污故，平等心故，無增減故，離五蘊故，由此方便，於諸佛所復修隨念，彼由如是功德力故，於十方面各有千⁹佛，來現其前，教令悔除先所作罪，所有祈願皆令滿足。若有不能如上所說，乃至書此神呪心經，置於舍中，禮拜供養，亦得無量無邊功德。世尊！若有眾生，為勝他故，或怖主故，怖怨讎故，怖惡獸故，怖危難故，或隨他故，或求高貴多財寶故，聽聞如是神呪心經，雖復聽聞而不恭敬，或復誹謗、輕賤、毀訾，智者應知非其自力，是觀自在威神力故令彼耳聞，為令彼得現在、未來利樂事故。世尊！譬如有人，採沈取麝，或復栴檀、龍腦香等，種種誹謗、輕賤、毀訾¹⁰，而復搗磨用塗身體，然沈麝等不作是念，彼凌懣¹¹我不與其香，而性自然恒作香事。此神呪心亦復如是，雖有誹謗、輕

⁹ 大正藏：十

¹⁰ 大正藏：訾

¹¹ 大正藏：陵蔑；永樂北藏及龍藏：凌懣

賤、毀訾，或如上說以諂誑心，書寫受持，恭敬供養，而亦作彼善根因緣，令彼當來隨所生處，具戒、定、慧功德妙香，亦能為他作斯香事，故此神呪威德難思，信謗俱能作饒益事。

「世尊！若善男子，或善女人，及苾芻、苾芻尼、鄔波索迦、鄔波斯迦，或餘人輩，白月八日，受持齋戒，專心誦此大神呪心，乃至七徧，不雜異語，當知是人現世定得二十勝利。云何二十？一者，身無眾病，安隱快樂。二者，由先業力，雖有病生，而速除愈。三者，身體細軟，皮膚光澤，面目鮮明。四者，眾人愛敬。五者，密護諸根。六者，多獲財寶，隨意受用。七者，所得財寶，王、賊、水、火不能侵損。八者，所作事業皆善成辦。九者，所有種植不畏惡龍、霜雹、風雨。十者，若有稼穡，災橫所侵，以此呪心呪灰、或水，經七徧已，於其田中，八方結界，上下散灑，災橫爾時，皆即除滅。十一者，不為一切暴惡鬼神、羅刹斯等，吸奪精氣。十二者，一切有情，見聞歡喜，愛樂尊重，常無厭足。十三者，常不怖畏一切怨讎。十四者，設有怨讎，速自消滅。十五者，人、非人等不能侵害。十六者，厭魅、呪詛、蠱道不著。十七者，煩惱纏垢不數

現行。十八者，刀毒水火不能傷害。十九者，諸天善神常隨衛護。二十者，生生不離慈悲喜捨。彼得如是二十勝利。復獲八法，何等為八？一者，臨命終時，見觀自在菩薩作苾芻像來現其前，歡喜慰喻。二者，安隱命終，無諸苦痛。三者，將捨命時，眼不反戴，口無欠呿，手絕紛擾，足離舒捲，不泄便穢，無顛墜床。四者，將捨命時，住正憶念，意無亂想。五者，當命終時，不覆面死。六者，將捨命時，得無盡辯。七者，既捨命已，隨願往生諸佛淨國。八者，常與善友不相捨離。

「世尊！若善男子、善女人等，能斷酒肉及諸葷¹²辛，不食殘穢，身常清潔，日日三時轉誦如是不空羅索神呪心經，彼勝功德晝夜增長。若能於法捨慳吝心，無¹³嫉妬意，專為利樂一切有情，觀諸眾心¹⁴有力無力，如應為說此神呪經，當知是輩，速證無上正等菩提，墮諸菩薩摩訶薩數，是則名為菩提薩埵。言菩提者，所謂般若；言薩埵者，即是方便。如是二法，於諸有情能作一切利益安樂。

¹² 大正藏：熏

¹³ 大正藏：離

¹⁴ 大正藏：生

「世尊！我今為欲利益安樂四部眾故，及為除滅諸惡有情所造罪故，於如來前說此神呪，惟願世尊哀愍聽許。」

爾時，世尊告觀自在菩薩摩訶薩言：「大眾清淨，知時應說，我亦隨喜。此神呪心是當來世菩薩父母，令諸菩薩所作事業，速得成辦，亦令一切所怖畏事，疾得除滅。」

爾時，觀自在菩薩摩訶薩蒙佛聽許，歡喜踊躍，瞻仰尊顏，目不暫捨，合掌恭敬，而白佛言：「此神呪心是諸菩薩所應尊重、恭敬、供養，為最解脫圓滿法門，作諸眾生利益安樂。諸欲受持此呪心者，應先敬禮過去、未來、現在諸佛及諸菩薩、獨覺、聲聞，復應敬禮正至正行，復應敬禮舍利子等諸大聲聞，復應敬禮聖慈氏等諸大菩薩，復應敬禮無量光佛，復應敬禮佛、法、僧寶，復應敬禮聖觀自在菩薩摩訶薩具大悲者。既敬禮已，復應念言：『此神呪心，名不空羅索，是觀自在菩薩於如來前，在大眾中，親自演說。我今讀誦，令我一切所作事業速得成辦，令我一切所怖畏事疾得除滅。』作是念已，即¹⁵讀誦言：

¹⁵ 大正藏：應

『怛經¹⁶他 闍 折洛折洛 止履止履 主
魯主魯

『稽首具大悲者。

『薩洛薩洛 死履死履 止履止履 鼻履
鼻履

『稽首大蓮華手。

『羯邏羯邏 吉利吉利 屈路屈路

『稽首大淨有情。

『渤經¹⁷ 渤經¹⁸ 柁¹⁹ 婆柁²⁰ 婆 緊尼緊尼

『稽首極淨有情。

『羯洛羯洛 枳利枳利 矩魯矩魯

『稽首得大勢者。

『折邏折邏 珊折邏珊折邏 毗折邏毗折
邏 鑿晰吒鑿晰吒 跋洛跋洛 鼻利鼻利 部
魯部魯 鑿²¹ 呬鑿²² 呬

『稽首大悲大獸王相。

『達洛達洛 薩洛薩洛 折洛折洛 鉢洛
鉢洛 喝洛喝洛 呵呵呬呬 呼呼 翳迦洛

¹⁶ 大正藏：姪

¹⁷ 大正藏：縛

¹⁸ 大正藏：縛

¹⁹ 大正藏：柁

²⁰ 大正藏：柁

²¹ 大正藏：翳

²² 大正藏：翳

『稽首大梵王相。

『達洛達洛 地利²³地利²⁴ 杜魯杜魯 怛
洛怛洛 薩洛薩洛 鉢洛鉢洛 筏洛筏洛

『稽首百千光莊嚴身。

『什筏邏什筏邏 答播答播 薄伽梵

『稽首日月、琰摩、筏魯拏、炬羅²⁵、釋梵，
與財等天仙眾所供養之。

『沫洛沫洛 弭履弭履 母魯母魯 窞魯
窞魯 主魯主魯

『稽首薩捺童子、魯達羅、衣毗瑟怒、達捺
陀、仙那藥迦、毗那藥迦眾多形相。

『達洛達洛 地履地履 杜魯杜魯 闍洛
闍洛 揭洛揭洛 鉢洛鉢洛 拙²⁶洛拙²⁷洛 刺
洛刺洛 喝洛喝洛 沫洛沫洛 筏洛筏洛

『稽首與願普觀. 勝觀世自在. 大自在。

『母呼母呼 母魯母魯 母耶母耶 悶遮
悶遮 洛叉洛叉

『稽首能令我及一切有情²⁸，解脫一切怖畏，
解脫一切厭蠱，解脫一切災橫，解脫一切疾病，

²³ 大正藏：唎

²⁴ 大正藏：唎

²⁵ 大正藏：炬吠羅；永樂北藏及龍藏：炬羅

²⁶ 大正藏：杜

²⁷ 大正藏：杜

²⁸ 大正藏：一切有情；永樂北藏及龍藏地：有情

解脫一切邪魅魍魎，解脫一切怨家殺縛恐喝捶打，
解脫一切王難賊難，解脫一切水火風難，解脫一
切刀毒等難者。

『羯拏羯拏 緊尼緊尼 屈忸屈忸 折洛
折洛

『稽首能開示一切根、力、覺支、道支、四
聖諦者。

答摩答摩 颯摩颯摩 沫娑沫娑

『稽首能除諸大黑闇，生長滿足六波羅蜜多
者。

『弭履弭履 吒吒吒吒 詫詫詫詫²⁹ 置置
置置 澍澍澍澍

『稽首被服鑿泥耶皮，具大慈悲，自在，大自
在，能破一切惡鬼神者，速來速來救護我等。

『矩³⁰盧矩³¹盧 鉢洛鉢洛 薩洛薩洛 羯
洛羯洛 羯吒羯吒 沫吒沫吒

『稽首住淨土具大悲者，身佩白吉祥縷，頸
帶眾寶瓔珞，首冠華鬘寶冠，於寶冠中當于頂上
有一切智像，手執希有大寶蓮華，於諸靜慮等持
解脫眾妙功德，皆不傾動，善能成熟一切有情，

²⁹ 大正藏：詫詫詫詫；永樂北藏及龍藏：炬羅

³⁰ 大正藏：炬

³¹ 大正藏：炬

具大慈悲，能除一切業障，能救一切病苦，普能安慰一切有情。

『闍頡利怛賴路迦毗闍耶 唵暮伽播奢
頡利達耶 唵鉢刺底喝多 罽沛莎訶 納莫³²阿
慕³³伽耶莎訶 納莫阿氏多耶莎訶 納莫阿鉢羅
氏³⁴多耶莎訶 納慕筏洛鉢刺柁耶莎訶 納莫³⁵
薩婆羯磨悉達曳莎訶 罽杜³⁶耶 戇莎訶』

「此神呪心誦必有驗，能受持者所欲皆成，諸有日日三時各誦一百八徧，五無間罪定得除滅，一切業障無不清淨。欲念誦時，應先結界。其結界法，取灰、或水、或白芥子、或擔山櫛，呪七徧已，遺³⁷釘四方。燒沈水香，至心念誦。諸患寒熱及瘡病者，應呪結縷二十一徧，繫頸或臂即得除愈。諸有病者，呪³⁸酥、或油，或復呪水二十一徧，與之令服，即得除愈。諸欲解他厭禱呪詛，取泥、或麵、或蜜蠟³⁹等，作彼形像，口誦此呪，手執剛刀，深慈愍彼而斷截之，復以呪縷，繫被⁴⁰厭身，令諸怖畏即得除愈。諸患腹痛，應

³² 大正藏：幕

³³ 大正藏：幕

³⁴ 大正藏：底

³⁵ 大正藏：幕

³⁶ 大正藏：社

³⁷ 大正藏：遣

³⁸ 大正藏：或

³⁹ 大正藏：臘

⁴⁰ 大正藏：彼

呪鹹水，與之令服，即得除愈。諸遭蠱毒、或蛇蠍等之所蛆螫，呪水令飲，呪泥塗之，即得除愈。諸患眼痛，應呪白縷，繫其耳上，即得除愈。諸有牙齒患疼痛者，應呪羯羅鼻羅木，二十一徧已，而嚼揩之，即得除愈。諸怖畏處，應當結界，而住其中。其結界法，呪五色縷二十一徧，纏擔山櫛釘著四隅，即得無畏。諸欲自護，應以呪縷，帶之於體；或呪水、灰，灑散身上。諸有鬼神魅著身者，呪五色縷，常用帶之，即便捨離。諸患一切瘡腫等病，取葦芩⁴¹末和蜜而呪二十一徧，用塗其上，即得除愈。諸患眼者，應呪香水、或甘草水、鉢邏奢水二十一徧，而用洗之，即得除愈。諸患耳鼻，應呪煎油二十一徧，滌耳鼻中，即得除愈。諸有鬪競、怨讎、誣枉種種官事之所逼惱，應呪淨水二十一徧，洗面灑身，即得和解。諸有國土、王都、城邑災難起時，應結道場，牛糞塗地，香湯徧灑，於場四角，各置一瓶，於其瓶中，置華及水，以新淨草，敷布場中，用美果食陳列其上，作麵燈盞，香油淨炷然置四隅，以眾名華徧散場內，燒上妙香而為供養。其誦呪者，香湯沐浴，著新淨衣，坐鮮潔座，端身正念，誦

⁴¹ 大正藏：撥

此呪心。主若至誠，災難便息。諸有疾疫、妖祟等處，呪瓶中水灑處及身，一切災患皆悉除滅。若被厭⁴²魅，以瓶中水磨栴檀香，呪三七徧，用塗心上，厭⁴³魅便息。若常念誦此神呪心，四重、五逆、謗法等障，咸得除滅。欲護國宅，使無災危⁴⁴，應取蓮華一百八枚，各呪一徧，投火壇內，供養賢聖，災危⁴⁵並息，國宅安隱。若欲令他慈心，於已不生嫌疾⁴⁶，應取栴檀一百八枚，並長二寸，各呪一徧，投火壇內⁴⁷，供養賢聖，能令彼人，愍已無恨。若恐疾疫鬼魅著身，應取社耶藥、毗社耶藥、那矩梨藥、健陀那矩梨藥、婆刺尼藥、唵跋耶波尼藥、因達羅波尼藥、健陀畢利樣瞿藥、頹揭藍藥、斫訖羅藥、莫訶斫訖羅藥、毗瑟怒訖爛多藥、素摩羅時藥、蘇難陀藥、闍⁴⁸延底藥、白檀香藥、舍利摩藥、舍利婆藥、喝悉底婆刺尼藥、喝麗怒⁴⁹迦藥、健陀頹揭藍藥、金剛藥、黑藍藥、筏邏呵訖爛多藥，如是諸藥，細擣絹篩，水和為丸，形如大棗，呪百八徧，置於頂

⁴² 大正藏：魔

⁴³ 大正藏：魔

⁴⁴ 大正藏：厄

⁴⁵ 大正藏：厄

⁴⁶ 大正藏：嫉

⁴⁷ 大正藏：中

⁴⁸ 大正藏：闍

⁴⁹ 大正藏：怒

上，或繫兩臂，疾疫鬼魅皆不著身。若有小兒，邪氣魍魎所驚怖者，呪此藥丸一百八徧，繫於咽⁵⁰下，便不驚怖。若有女人，薄福所致，人皆憎厭，呪此藥丸一百八徧，和水澡浴，惡相皆除，眾人愛敬，身穢惡病亦得除愈。諸有婦人，求生男者，呪此藥丸一百八徧，繫其身上；或和水浴，便得生男。若呪藥丸，繫在身上，刀毒、水火、惡獸、怨家、厭⁵¹魅、蠱道，一切災橫，皆不為害。若患瘡腫，呪此藥丸一百八徧，和水塗之，便得除愈。若遇惡風、暴雨、災雹，呪清淨水二十一徧，散灑四方；或呪羯羅毗羅木枝二十一徧，口仍誦呪，向四方搗，風等便止。

「此觀自在大神呪心，雖不受持，但依前法，誦必有驗。若能受持，所作事業，無不成辦。欲受持者，以新白氈，應長一丈而闊五尺，總一段成，勿斷經縷，畫作佛像。所用彩⁵²色，應和香膠，自外諸膠咸不得用。佛像右邊，應復畫作觀自在菩薩，似大自在天，頂有蠡髻，首冠華冠，鑿⁵³泥耶皮被左肩上，自餘身分，瓔珞、環釧而為莊嚴。畫師應須澡浴香潔，著新淨衣，離雜穢

⁵⁰ 大正藏：咽

⁵¹ 大正藏：魔

⁵² 大正藏：綵

⁵³ 大正藏：翳

食，專精齋戒，淨處畫之。應以此像置清淨處，於其像前牛糞塗地，縱廣丈六⁵⁴，四方齊正，於其壇內純散白華，以八淨瓶，各受一升盛華香水，安置八方。復於八方敷八草座，一一座上置一分食，於八座邊，一一各置八分之食。其所供食，盡世香美皆得用之，唯除葷⁵⁵辛、血肉、酒等諸雜穢物。復燒沈香，至誠供養。受持呪者，先當三日三夜斷食，如其不能，但一日夜⁵⁶。於日日中，三時澡浴。若大小便，別更澡浴。著新淨衣，食三白食，所謂乳酪及白粳米。食訖，澡漱，往佛像前。燒沈水香，至誠頂禮。專心誦此大神呪心滿八千徧。爾時，行者自見其身，徧放光明，猶如火焰。見是事已，歡喜踊躍。時，觀自在便現其前，隨所願求，皆令滿足。若欲自隱，應呪雌黃、或安繕那滿八千徧，研以塗眼。若欲乘空，應用塗足。由斯呪力，證不空智而為上首，莊嚴等持，既獲此定，凡作事業無不成辦。」

爾時，世尊讚觀自在菩薩摩訶薩言：「善哉！善哉！汝今⁵⁷憐愍一切有情，說此神呪，欲令皆得利益安樂，我深隨喜。」

⁵⁴ 大正藏：九

⁵⁵ 大正藏：熏

⁵⁶ 大正藏：一日一夜；永樂北藏及龍藏：一日夜

⁵⁷ 大正藏：能

時，薄伽梵說是語已，觀自在菩薩摩訶薩、淨居天眾、自在天眾、大自在天眾、大梵天王及餘天眾、聲聞、菩薩，皆大歡喜，信受奉行。

不空羅索神呪心經

● 結誦儀

補闕真言

(三編)

南無喝囉怛那. 哆囉夜耶. 佉囉佉囉. 俱住俱住.
摩囉摩囉. 虎囉. 吽. 賀賀. 蘇怛那. 吽. 潑抹拏. 娑
婆訶.

補闕圓滿真言

(三編)

唵. 呼嚧呼嚧. 社曳穆契. 莎訶

普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫迦囉
嚩吽

南無佛 南無法 南無僧 (合掌三稱)

南無阿彌陀佛 (合掌三稱)

南無觀自在菩薩摩訶薩 (合掌三稱)

南無護法諸天菩薩 (合掌三稱)

禮觀音文

(一遍)

清淨三業，一心五體投地，歸依南無十方慈父廣大靈感觀世音菩薩。

我聞菩薩，從聞思修，入三摩地，得二隨順，四不思議，十四無畏，十九說法，七難二求，三十二應，無量功德，興大威力，發大誓願，同流九界，六道四生，生死趣中，興百千萬億無量恒河沙劫數，善行方便，救度拔濟一切眾生，無有休息。我今哀求，必賜加被。

伏念(某甲)夙生慶幸，得遇佛乘，身苦塵緣，心多散亂(若出家者改為)身雖出家，心不染道，愚癡邪見，諸根昏塞，內外經書，雖于習學，章句妙理，無所通曉，又恐福力淺薄，壽命不長，徒得人身(若出家者改為)徒入空門，虛生浪死。我今洗心泣血，稽顙投誠，終日竟夜，存想聖容，受持聖號，禮拜聖像。惟願菩薩，天耳聞聲，悲心救苦，憐愍加被，放大神光，照我身心，傾大甘露，灌我頂門。蕩滌累世怨愆，洗潔千生罪垢。身心清淨，魔障消除。晝夜之間，坐臥之中，觀見菩薩，放大神光，開我慧性，使我(某甲)，即時神通朗發，

智慧聰明。一切經書，自然記憶。一切義理，自然通曉。得大辯才，得大智慧，得大壽命，得大安樂。參禪學道，無諸魔障，悟無生忍。世世生生，行菩薩道。四恩總報，三有齊資。法界眾生，同圓種智。

迴向偈

(一編)

誦經功德殊勝行 無邊勝福皆迴向
普願沉溺諸有情 速往無量光佛刹
十方三世一切佛 一切菩薩摩訶薩
摩訶般若波羅蜜

迴向偈

(一編)

願以此功德 莊嚴佛淨土
上報四重恩 下濟三途苦
若有見聞者 悉發菩提心
盡此一報身 同生極樂國

三皈依

(一編)

自皈依佛，當願眾生，體解大道，發無上心；
自皈依法，當願眾生，深入經藏，智慧如海；自
皈依僧，當願眾生，統理大眾，一切無礙。和南
聖眾。



此咒置經書中可滅誤跨之罪

不空羼索神呪心經後序

不空羼索神呪⁵⁸心經者，斯蓋三際種智之格言，十地證真之極趣也。裂四魔之偏⁵⁹罟、折六師之邪幢、運諸子之安車、詣道場之夷路者，何莫由斯之道也，況乃剿⁶⁰當累殲宿殃、清眾瘼懷庶福者乎？是以印度諸國，咸稱如意神珠，諒有之矣。題稱不空等者，別眾經之殊號也。至如擲羼取獸，時或索空，茲教動桴⁶¹，罔不玄會，故受斯目也。運極無方曰神，驚⁶²救群物稱呪，名色所依號心。雖復乘開一五，藏啟二三，其能應通動植，絲綸法界者，咸用取則茲旨，歸往斯誥也。是故經云：「此身如城，心王處中。」又至功離相，妙極殊方，有類於心故，應茲稱也。是以經云：「如眾生心識，體雖是有，而無長短方圓等相。」斯故⁶³群藉之中心，無相之妙極者也。然此神典，北印度國沙門闍那崛多，已譯於隋紀。于時寶曆⁶⁴創基，傳匠蓋寡，致令所歸神像、能

⁵⁸ 大正藏：神呪；永樂北藏及龍藏：不空羼索神呪

⁵⁹ 大正藏：便

⁶⁰ 大正藏：勦

⁶¹ 大正藏：桴

⁶² 大正藏：警

⁶³ 大正藏：斯；永樂北藏及龍藏：斯故

⁶⁴ 大正藏：歷

歸行儀，并呪體能俱存梵語，遂使受持之者，疲於用功，渾肴莫晰。惟今三藏玄奘法師，奉詔心殷，為物情切，爰以皇唐顯慶二⁶⁵年五月旦日⁶⁶，於大慈恩寺弘法苑，重更敷譯，庶諸鑑徒，悟夷險之殊徑矣。

⁶⁵ 大正藏：四

⁶⁶ 大正藏：五月日；永樂北藏及龍藏：五月旦日

南无护法韦驮尊天菩萨

